

ՀԱՇՎԵՏՎՈՒԹՅՈՒՆ

ՀՀ Շիրակի մարզպետարանի առողջապահության և սոցիալական ապահովության վարչության կողմից 2020 թվականին կատարված աշխատանքների վերաբերյալ

Ձեկուցող՝ Առողջապահության և սոցիալական ապահովության վարչության պետի ժամանակավոր պաշտոնակատար՝ Լեյլի Ասլանյան

ՀՀ Շիրակի մարզպետարանի ենթակայությամբ գործում են թվով 31 բժշկական հաստատություններ՝ նախորդ տարվա 32-ի փոխարեն, քանի որ Համաձայն ՀՀ կառավարության 2020 թվականի ապրիլի 23-ի թիվ 614-Ա որոշման՝ «Գյումրու արյան փոխներարկման կայան» ՓԲԸ-ն միացվել է «Պրոֆեսոր Ռ.Օ.Յոյանի անվան արյունաբանական կենտրոն» ՓԲԸ-ին: Ընթացքի մեջ են ՀՀ կառավարության 2020 թվականի նոյեմբերի 10-ի «ՀՀ կառավարության 2006 թ-ի նոյեմբերի 2-ի թիվ 1911-Ն որոշման մեջ փոփոխություն կատարելու մասին» թիվ 1527-Ն որոշմամբ սահմանված աշխատանքները, համաձայն որի «Գյումրու ծննդատուն», «Գյումրու ուռուցքաբանական դիսպանսեր» և «Գյումրու պաթոլոգոանատոմիական լաբորատորիա» ՓԲԸ-ները միացման ձևով վերակազմակերպվում են «Գյումրու բժշկական կենտրոն» ՓԲԸ-ի կազմում: Մարզպետարանի ենթակայությամբ բժշկական հաստատություններում ծավալված է 541 մահճակալ, վերը նշված օպտիմալացման գործընթացի ավարտից հետո մահճակալների թիվը կկազմի 523: Բժշկական հաստատություններում աշխատակիցների թիվը 2202 է:

2020 թվականի փետրվարի դրությամբ մարզի բուժաստատություններին տրամադրված պետական պատվերի բյուջեն կազմել է 4.521.194.0 հազ.դրամ, սեպտեմբերին կատարված վերահաշվարկից հետո կազմել է 4.807.279.4 հազ.դրամ, ինչը 2019 թվականի բյուջեի համեմատությանը 900 մլն դրամով ավելի է /3.938.135.6 հազ.դրամ/:

2020 թվականի դեկտեմբերի 1-ի դրությամբ վճարովի ծառայությունների դիմաց ստացված եկամուտների գումարը կազմել է 711865.6 հազ. դրամ, 2019 թվականի նույն ժամանակահատվածում կազմել է 922106.7 նվազել է 210241.1 հազ. դրամով, քանի որ համավարակի և պատերազմի ժամանակաշրջանում ՀՀ առողջապահության նախարարի հրամանով սահմանափակվեց պլանային դեպքերի սպասարկումը:

2020 թվականի դեկտեմբերի 20-ի դրությամբ մարզի բժշկական կազմակերպությունների դեբիտորական պարտքը կազմում է 102755.4 հազ. դրամ՝ նախորդ տարվա համեմատ /75218.6/ ավելացել է 27536.8 հազ.դրամով, իսկ կրեդիտորական պարտքը՝ 460724.2 հազ.դրամ՝ նախորդ տարվա համեմատ /364488.1/ ավելացել է 96236.1 հազ. դրամով:

2020 թվականի ընթացքում մարզի բժշկական հաստատություններում իրականացվել են 23438.7 հազ. դրամի վերանորոգման և 219883.0 հազ. դրամի նոր բժշկական սարքավորումների ձեռք բերման աշխատանքներ:

«Գյումրու բժշկական կենտրոն», «Գյումրու մոր ու մանկան ավստրիական հիվանդանոց» և «Արթիկի բժշկական կենտրոն» ՓԲԸ-ներում պետական պատվերի շրջանակներում ներդրվել է հիվանդանոցային պայմաններում արտահիվանդանոցային բժշկական օգնության և սպասարկման emergency ծառայությունը:

«Գյումրու բժշկական կենտրոն» ՓԲԸ-ին տրամադրվել է թթվածնային կայան, որը կապահովի ոչ միայն բուժհաստատության թթվածնի պահանջարկը, այլև նաև թթվածին կմատակարարի նաև մարզի մյուս բժշկական կազմակերպություններին:

ՀՀ առողջապահության նախարարության կողմից, որպես բարձր լեռնային բնակավայրերի շտապ օգնության ծառայություններ մատուցող բժշկական հաստատությունների, «Արթիկի բժշկական կենտրոն», «Ամասիայի առողջության

կենտրոն», «Մարալիկի առողջության կենտրոն» ՓԲԸ-ների տրամադրվել է մեկական ՈւԱԶ մակնիշի շտապօգնության մեքենա՝ 14200.0 հազ. դրամ արժողությամբ:

Բժշկական օգնությունը և սպասարկումը պատշաճ իրականացնելու նպատակով կազմակերպել է ՀՀ առողջապահության նախարարության կողմից կենտրոնացված կարգով, ինչպես նաև մարդասիրական օգնության ճանապարհով ձեռք բերված և մարզին հատկացված դեղորայքի ստացումը, բաշխումը մարզի բուժհաստատություններին:

Ուսումնասիրել, վերլուծել և համապատասխան ընթացք ենք տվել քաղաքացիներից ստացված մոտ 110 դիմումի: «Մանկական ուղեղային կաթված» հիվանդություն ունեցող 13 երեխայի տրամադրվել է Ջերմուկի «Արարատ» առողջարանի ուղեգիր:

ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ի միջոցով կազմակերպվել է ընտանեկան բժիշկների, մանկաբույժների և թերապևտների և բուժքույրերի հեռավար դասընթացներ:

Մասնակցել ենք մարզպետի կողմից տեղական ինքնակառավարման մարմինների լիազորությունների նկատմամբ իրականացվող իրավական և մասնագիտական հսկողությանը:

Մարզում համավարակի հայտարարումից հետո կորոնավիրուսային հիվանդության ստացիոնար բուժման ծառայություններ մատուցվում են «Գյումրու ինֆեկցիոն հիվանդանոց» ՓԲԸ-ն 100 մահճակալ հզորությամբ և «Գյումրու բժշկական կենտրոն» ՓԲԸ-ի 60 մահճակալ հզորությամբ կորոնավիրուսային բաժանմունքում: «Գյումրու բժշկական կենտրոն» ՓԲԸ-ում գործում է նաև 13 մահճակալ հզորությամբ տրիաժ ծառայություն, որտեղ իրականացվում են կորոնավիրուսային հիվանդության կասկածելի դեպքերի հետազոտության և հետագա բուժման կազմակերպման ծառայություններ:

Համավարակի սկզբից մինչ դեկտեմբերի 14-ը ներառյալ կորոնավիրուսային հիվանդություն է ախտորոշվել թվով 250 բուժաշխատողի մոտ, որից 241-ը բուժվել և վերադարձել են աշխատանքի, 5-ը գտնվում է տնային մեկուսացման, 3-ը հիվանդանոցային բուժման մեջ: Արձանագրվել է մահվան մեկ դեպք:

ՀՀ Շիրակի մարզում համավարակի սկզբից մինչ 14.12.2020 թվականը ներառյալ արձանագրվել է կորոնավիրուսային վարակի 5899 դեպք, որից որից 213-ը 0-18 տարեկանների մոտ: Գրանցվել է մահվան 121 դեպք: Նշված ժամանակահատվածում մարզում իրականացվել է կորոնավիրուսի 25067 հետազոտություն, որից 23713-ը՝ ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ-ի «Շիրակ» մասնաճյուղի լաբորատորիայում:

28.12.2020 թվականի դրությամբ ամբուլատոր պոլիկլինիկական հաստատությունների հսկողության տակ, տնային պայմաններում բուժում է ստանում կորոնավիրուսային հիվանդություն ունեցող 165 պացիենտ: Ստացիոնար բուժում ստանում է թվով 60 պացիենտ, որից Շիրակի մարզից 36, իսկ այլ մարզերից (Երևան, Արմավիր, Արագածոտն, Տավուշ, Լոռի) 24 պացիենտ:

Սոցիալական ոլորտ

2020 թվականին ընտանիքների անապահովության գնահատման համակարգում ընդգրկված է 13758 ընտանիք, որոնց տրամադրված գումարի չափը կազմել է մոտ 5,0 միլիարդ դրամ:

Մարզպետարանի և հասարակական կազմակերպությունների համագործակցության արդյունքում ցերեկային խնամքի կենտրոններում և տնային պայմաններում խնամք է տրամադրվել 584 ծերի և հաշմանդամություն ունեցող անձի:

Կորոնավիրուսային հիվանդությամբ պայմանավորված՝ մարզում Սոցիալական մոբիլիզացման գործընթացում ներգրավված կազմակերպությունները մարզի միայնակ ծերերին, հաշմանդամություն ունեցող անձանց և սոցիալապես անապահով ընտանիքներին տրամադրել են սննդի փաթեթներ, ինչպես նաև միայնակ ծերերին տրամադրել են տնային խնամքի ծառայություն, սննդի և հիգիենիկ պարագաների փաթեթներ: «Պարենային շտապօգնություն» ծրագրի շրջանակներում բարերարների, հասարակական կազմակերպությունների և մարզպետարանի աջակցությամբ շուրջ 4000 ընտանիքի տրամադրվել է սննդի փաթեթ: Գյումրու տուն-ինտերնատում շուրջօրյա խնամք է տրամադրվել թվով 160 ծերի և հաշմանդամություն ունեցող անձի, ինչպես նաև Արցախից տեղահանված քաղաքացիների: «Այլ նպաստներ բյուջեից» հոդվածով նախատեսված հատկացումներից մարզպետարանը մոտ 1114 ընտանիքի՝ Հայրենական Մեծ պատերազմի վետերանի, զոհված ազատամարտիկների և մարտական գործողությունների մասնակցած ազատամարտիկների, Ադրբեջանի կողմից սանձազերծած ռազմական գործողությունների հետևանքով զոհված, հաշմանդամ դարձած, գերեվարված կամ անհայտ կորած զինծառայողների ընտանիքների, բազմազավակ ընտանիքների և սոցիալապես կարիքավոր քաղաքացիների ցուցաբերել է դրամական աջակցություն: Արցախից տեղահանվածներին տրամադրվել է կացարան, սնունդ, հիգիենայի պարագաներ և այլ օգնություններ: